

北京日報

第二百一十册

代表人朱洪

論說

二月二十五日

論考訂裁判法之談判

小歐稿

昨本報載有考訂裁判法之判一事(事載昨報要緊新聞欄內)雖哉伍侍郎之言矣中國政法其必取資於外國也固矣然天下事常有出人意料之外者今日立一法以爲周密也適實行而弊竇往往出焉實行伊始猶以爲妥協也而旋踵而弊竇往往出焉是故思想者辦事之母言論者實行之胎然每有思想極超言論極當迨一經舉辦一經實行而始知從前之思想未免過高言論尙多隔膜者非其思想之未周言論之失當也而天下妙于思想工于言論之人遇事恒多枘鑿者何哉則以思想言論皆可以自我一人主之迨實行而關涉于人者衆矣關涉者衆則必須統爲衆人搭鼻相度衆人程度事既關涉乎衆人則不能盡憑一人之心力徑取已往之成規遂能善人無間矣是故思想愈高而挫折愈大持論愈精而窒礙愈多蓋有歷歷不爽者中國之仿倣外國也亦然外國之宜學固也不知外國之所以至今日已不知幾經改易增減矣一改再改乃至現在吾欲一蹴而幾之其可得乎是故宜仿其成法爲其幾經改易以至完善勝於我之憑空臆造也然又不能硬仿其成法爲夫程度不同習慣亦異且彼亦由層累而至於此我國不能躐級而陞於巔也是故譯書著論不妨力求其完全仿倣實行是在參酌而探微蓋力求完全者止以爲探擇之地非謂舉東西各國之物事臚列滿前印板謄錄便可以治天下也豈惟不治又將亂焉已耳樵宜於山漁宜於澤堂與房寢各有所宜此中有費斟酌是故但知一面者斷不足以議全局之事若謂全挪外國之物事而來便可以治中國則無論出洋遊學諸公固可以照抄本子而有餘即足跡不出國門何嘗不可以多購幾本繙譯諸書循文搬去昔人謂半部論語可治天下然則幾部譯書亦何嘗不可以治天下耶是故不求仿倣外國之法者謂之頑銅硬挪外國之法者謂之空鈴空者胸中藏不了多少物之謂矜者以示我能解此之謂其實並未嘗於人世一方面稍爲留意者也以余所見近日各地所派師範生往往未及旬餘即與地方官紳衝突者大率亦多中此病蓋彼既持有督撫札派之文憑又挾其遊學東洋數月之意氣本地之經師碩學彼皆可以頑固目空之而又所持者祇數月之資格故不免每叩輒窮致爲原日教師所粒視衝突之起多緣于此異日學生學成之歸國者愈多深望其毋再蹈此轍也又常見外國傳教師來游中國不特事事將

就中主風俗乃至服食起居體貌形式俱力求與華人同故能達其所向之目的彼教師者生長外國又多半係有學問之人又彼中人已算服從其教彼教師何嘗不可硬擲彼國之事例以施之于華人然猶細心體認極意將就者蓋彼別有目的在焉而無取手擲取其本國之事物而來以震耀乎吾人之耳目也以彼之來尚且如此而況於取彼而來者顧可不問其事實之如何而徒藉以自矜其新異哉且彼等亦不自思耳向使直擲外國之事物而來便可以治中國則中國可全用客卿便臻無上之治又需汝輩何爲須知外國人亦最重自謙幸勿自恃一知驕驕然自鳴得意也又須知爲治具費經營幸勿自矜一得便以爲具有把握也不然以國家之力繙譯幾本外國政治法律之書夫亦何難之有誠如是則欲求國治亦易易耳

譯電

嗎地陣亡○西歷三月十八號路透電云蘇波多(非洲中央之域名)之戰(嗎地)爲敵兵所敗聞已陣亡法人注册○同日又電云法國各處土人現紛紛赴教堂報名注册以便政府備查因新內閣已接管教會事務氣車失事○同日又電云(典夫)(暨奧伯蘭)來往之氣車在(波得倫)附近地方南北兩車對面相撞罹害者共四十人內有十五人爲機器所炸斃

亂云

俄人反對派員赴日○同日又電云昨報俄皇派一大公赴日本重敦睦誼一節現聖彼得堡人民極力反對此舉云印王起程○同日又電云印度(沙拉城)王現已起程赴(沙拉城)矣決計禁止虐待礦工○同日又電云(威士勒茶齊老)在下議院演說謂南非洲虐待礦工之事我政府已決計禁止非赫然震怒不足以掃除惡習也

法民鬧事○同日又電云法國(連拿)地方鬧事現內務大臣(克利萬蘇)已行抵該處勸諭罷工之人謂將持平辦理如爾等能照常安靜則朝廷斷不派兵隊到來彈壓云

要緊新聞

電奏柳慶情形○桂撫林中丞前由黔省起程政府飭令沿途察看柳慶情形聞抵任後林撫已有電奏到京據云前聞馬平各處尚有餘匪現查柳慶各屬近日搜擒頗淨沿途接見鎮道文武各員訪查地方尙屬安謐柳州水陸二十營慶遠各營布置均極嚴密云云

留學生電爭三省路礦權○秦晉豫三省留學生有公電致政府謂三省路礦收回自辦他國如有要求並大部允許士民斷不公認云云

鹽引飭解運庫之原因○日前部議江南鹽引每年以四千引撥歸支應局支用餘款悉解運庫嗣江督以四千引實不敷用因電詢戶部旋得戶部復謂運庫出入有奏咨可查而支應局濫支濫支莫可究詰非謂除四千引外江省實有支應不敷之處概置不理也云云

巡警廳新定官制○自警部設警廳以來廳中事務已佈置周妥廳承以下設參議官三員所管事務分爲十八股總務處占五股警務處占九股衛生處占四股共十八股此十八股所管之事如有須專門學問方可稱任者則懸缺待之暫不補授每股設股長一員股副兩員亦可見事之務求周到矣預審廳暫不設立○城內外警視廳制度頗擬於十八股外另設一預審廳管理裁判之事其體制與廳承同現擬暫不設立所有裁判仍舊歸發審處辦理云

三部議奏矣

巡警各官之調動○前外城巡警監督張久齋現爲內外城總稽查前副監督王琴齋現爲督練處總辦治鶴清爲製造處總辦王善荃爲警政司郎中

內外城巡警之津貼○刻下內外城皆設警視廳設廳丞參事等官經警部堂官議定津貼章程仿照商部外部兩處辦理參事官每月津貼銀三百兩廳丞四百兩股長二百兩股副一百兩一律皆薪俸在外

條陳教案○御史張瑞蔭近上一摺奏保條陳教案辦法聞該摺業已留中

教士賤官案二十八誌○漢口來電云奏派查辦南昌教案之梁敦彥觀察業於十九日偕同法國參贊行抵漢口翌日即起程前赴九江云

外部接收寶源局地址○外務部在對門借寶源局地建造洋樓洋廳為筵宴之地已紀前報茲悉工部已飭寶源局工匠將器物遷出將地交外部接收外部聘定洋工程司奎美生督辦工程畫式歲修一千四百磅合同已訂定矣

警務參事得人○許君雋人向在外城工巡局所辦事宜頗有名譽茲由警部堂官擢為警務處參事官至於廳丞之下有總參事一缺今尚未補定人員云

駁回洋信件○中國郵政局開辦之初常有洋文信函由外洋寄來宮內者向由山總稅務司進呈嗣因此項信函多係外洋商家告白招攬生意之類率屬無謂故議定嗣後此等信函概不呈遞原函駁回現總稅務司以難保其中無緊要事件特稟請外務部可否交外部開拆進呈抑或照舊駁回外部以體制不合仍應照章寄回為是

開設煤油棧之交涉○杭州來電云有某英商在杭州河邊開設煤油棧漸以此事與條約不符飭屬立即禁阻英商不服復稟請該處領事向浙撫交涉現正相持不下云

創設齊魯中學堂○刻下山東京官已決議在京開設齊魯中學堂現已在西城化石橋興工建築四月間即可開學聞該學堂內容學科有中學及高等小學惟未有蒙學云

電告俄開議院○駐俄胡大臣日前電致政府謂俄皇已降諭旨即開議院令各省預選代表人云

本京新聞

熱河都統之新政○新簡熱河都統廷杰到任以來頗能舉辦新政近據先後報告到京所辦各事(一設巡警局)(二設礦務局)(三開墾)(四興學)均係要圖聞都統尙擬咨商直督袁慰帥籌撥的款以便練成常備新軍藉固邊圉云

學部限派官費留學生之原因○學部通咨各省暫行緩限派留學生並禁止以官費派速成生一節外間尙未知原委近經鄂督張香帥接學部詳電略謂留東學生近多關於普通方言程度近據駐日星使轉據大阪崇津義務教長報告以目前各省所派官費速成師範學生竟有年逾五十者東文概不能稍通以之速成係反退步等因嗣後留學生

務宜一體學習方言仍從限派云云

晉撫規復鹽引行銷蒙地○晉撫張電告政府請規復吉池鹽引招商行銷蒙地政府覆以儘可籌辦惟仍戒操切注意地方官分任法○蘇臬一欽奉旨以朱家寶補授聞朱在直隸保定府任內創行地方官分任辦法(即分爲度

支警察裁判諸職已迭誌前報)頗合各國現行制度業經袁慰帥奏准通行並於去冬議約事竣出京召對時力保朱爲政治才此次蘇臬出缺兩宮以朱能行新法蘇省行政各事多與外人交涉故爲地擇人特以此缺畀朱云

協議勘畫中韓界址○中韓邊界地址須勘畫畫清現外部正與日使內田協議

鄂督派員前往直隸商議會操○湖北大操雖議停辦本年實有四省會操之舉並經勘定地址於河南彰德府鄂督張

香帥已派定人員前往直隸稟商袁慰帥一切所派員名錄下 常備全軍協統黎元洪 幫帶李慶豐 一鎮正參

謀官藍天蔚 參謀處幫辦寶瑛 右鋒二旗王元常 教練處吳元澤 砲兵營管帶王遇甲 一鎮二標統帶鐵

忠 二鎮參謀官吳茂節 續備一鎮司令官朱煥丞 並聞津撫陳中丞亦派道員吳對率同武弁八員前往直隸

會商大操事宜 陝甘兩省鐵道經營○陝西甘肅二省大吏昨向商部電商擬於該二省中選舉紳富二三員爲代表人附與權限以責成其布設該省鐵道云云

催議振貝子請改官制摺○聞樞廷面奉諭旨飭政務處迅將振貝子請改官制摺切實議覆

五省會操經費認定○本年直齊汴鄂蘇五省會操於河南彰德境(已見前報)經費現由各該省共認籌一百四十萬兩已電奏明

德英法意美日各國均允撤兵○撤兵事德兵除留七百名外餘自華三月起次第盡撤英法意美日各國亦允三月撤

退聞均已電該國政府派艦來望載運

兩宮訓示恩中丞恭紀○新簡晉撫恩中丞已於初九日請訓召見 兩宮垂諭良久聞有(山西地方素少交涉事情向易對付惟邊地貧窮非江蘇可比爾到任後務須加意體恤民困自己一切總宜從儉)之語 聖訓煌煌大小臣工皆宜敬體此意也已

政務處奏疏通舉貢生員○摺內開已西拔貢照額加倍近三科貢優加四倍五貢生員准其報考騰錄酌給津貼分部

當差三年後獎予實官其優者以小京官用已就揀舉人准指分發免繳補班費用載取舉人以知縣直隸州同鹽庫大使用五貢以按經鹽經州判府經縣丞用生員每三年由該省督撫學政考取大省一百名中省七十名小省五十名以巡典用至壬子後一律停止奉 旨依議

各省新聞

滇督丁爲保護路工洋員事致兵部電○(雲南)兵部堂官鑒滇越鐵路購地開工洋員往來絡繹不絕保護外人彈壓地方在在需兵請添練兵二營專防護鐵路之用鐸冬

上海總工程局開特別會議紀事○(上海)上海領事總董李平書明府自設局以來適丁內艱向未到局近奉新任瑞道憲催令任事遂於十四日蒞局開特別會議布告一切如趕修外灘新馬路翻築老馬路及王家嘴角董家渡大街兩支路開浚護城河及城內幹河於薛家濱陸家濱肇家濱方家濱之口建閘蓄水井填塞城內黑橋溝等處砌溝築路已蒙瑞道憲撥借銀六萬兩即行開辦其局中辦事人除向有收支部外更擬添設工程部採辦部以專責成其各部辦事人亦已經公衆推定云

購買銅餅○(奉天)趙將軍近日購買銅餅甚多昨由大連灣運到省城者已有五十萬斤此外訂買者尙多云
江督札農務局整頓華茶文○(江甯)照得南方各省商務茶爲大宗海上通商以後每以華茶出口之多寡定二年商務之盈虧近年以來華商每多折閱推求其故實緣印度錫蘭之茶佔奪華茶生意聞其種植製造之法日益完備色澤香味皆盛華茶成本輕則售價愈廉銷路廣則商場愈盛駁駁乎實有壓倒華茶之勢若不及今改圖再閱數年華商以虧本而輟業茶戶因銷少而改種華茶掃地盡矣本大臣前年 月間札委鄭道世璜赴錫蘭印度考察茶葉煙土兩事宜嗣經查復銷差所有考查煙土情形業經另文咨部在案茲據該道將查復印錫茶務情形繕具說帖具稟前來查英人種茶于氣候之暖熱播種之淺深剪割之疏密採摘之老嫩烘焙之燥濕碾壓之輕重裝載之鬆緊皆有成法一有不善隨時改良故能日新月盛我國茶業墨守舊法廠號奇零商情渙散又奸作偽攪雜不純各國至設稽查茶官嚴禁壞茶入口英人藉口華茶穢雜有碍衛生此說一騰萬口傳播華茶之聲價愈低彼此相形優勝劣敗亦必然之理勢該道所陳改良之法如設機器廠立大小公司固結團體收回利權不爲無見合行札飭札局即便照

江督擬在廬山設瀑布機廠○(江甯)聞江督周玉帥近考悉瀑布含有電質可藉代機力之用因擬籌撥公款五萬兩在九江廬山設廠利用瀑布電力廣興機器製造等業已於日前電請駐日楊欽使代爲考察日本西京琵琶湖瀑布電機辦法以便仿行並託代聘工師云

各國新聞

法國創設無線電信學校○(法國)法國海軍省特在拔蘭士德創設一無線電信學校屬防禦該校之創設爲養成無線電通信之專門技員總督指揮之下指定海軍省所管船雷而號爲練習船其課程已自華曆正月四日開始接辦交涉事務○(韓國)韓京函云日韓協約成立以來韓京以及各港之監理署所與外國領事及外國人交涉事務均由日本理廳接辦韓京理事廳已將韓國前與各國所關係之文件調查畢事一一接收此後外國人之契券書類等事務皆由理事廳辦理矣

日人擬設電氣鐵路於大連○(日本)大阪之今西林三郎 田邊貞吉 篠木清兵衛 村上享一等外四人擬在大連市立一電氣鐵路公司招足股本洋一百五十萬元業已向某當道陳請一切云
日本凱旋軍輸送完竣○(日本)東京電云東三省之日本凱旋軍現已輸送完結故日本所轄之東清鐵道自二月十九日起已輸運普通之貨物矣

端戴兩大臣對旅美華商之感情○(美國)端戴兩大臣行抵紐約時美國華商踴躍歡迎婦孺咸來瞻仰顏色端大臣見有聰穎英秀之幼孩每親自提抱其於中國旅人可謂備極親愛矣

端戴兩大臣游美日記○(美國)兩欽使於廿九日謁美外部三十日謁美總統呈遞國書下午往觀海軍部兵部初一日觀戶部初二日觀圖畫院及赴青年會之約初三日赴外部宴初四日遊老兵院初五日遊華盛頓墓初六日上午觀印刷下午至陸軍營閱馬操初七日上午觀圖書館下午觀上下議院及大審院晚間十二時乘汽車赴紐約初八日八時到紐約華商及學生迎於車站士鎮格萊頓領來見十二時一刻至會股票總會十二時二刻至商務公所午飯三時至花旗銀行此今日已定之事以下預定者初九十一時見中國商人二時回拜格萊頓領並看砲台晚七時赴

格統領之宴(有演說)初十午前十時看女學堂十二時看慈善會一時赴亞州會宴(有演說)四時觀煙草工廠十一禮拜下午二時遊格蘭登墓看博物院並遊公園十二下午看美孚火油廠晚七時赴格扒雷同總會宴十三早閱武備學堂並看對江女學堂十四早到費城閱造幣局及製造車頭廠十五看改過所下午看女學堂十六看康茂爾大學堂並拜精琦十七看大瀑布十八在包司敦十九在包司敦二十看造槍廠廿一回紐約廿二赴英國此次精琦來迎係盧總統所拜不過外交上照例接待之使者並無他意即精琦見面亦不過將命而已並無有攪中國財政之意美國人民富實而且篤厚東方更勝西方也又波士頓函云考察政治端戴兩大使臣於華正月二十日到埠是晚本省總督紀路請至坤健會所大宴陪宴者有前外部大臣杜路尼本埠府尹斐者路綱紀慎教會總理甲賓考活大學堂總教習喜利達駐美欽使梁誠紀路演說曰別國所務欲創貴國之疆土敵國所務者即貴國所賜貿易之利權杜路尼演說亦曰中國政府實有友情於美國美國亦有友情於中國戴鴻慈演說其中有曰吾望貴國人嗣後樂助敝國與前時之友情一樣而已喜利達演說大概兩商商務友情長久不渝所望美國命教習到中國中國亦命學生來美國使兩國友情永敦

調查

日本三十九年分歲入歲出總豫算表

(續)

馬匹費	一五八六六八二
演習費	一四五〇五三八
患者費	四四七六四七
軍隊需品費	一二七九三八
罷職者恤賜費	七〇
囚徒費	四四八六八
兵要地圖費	六五四五

供奉費	六八一
輸送費	三〇一三三二
機密費	一一五〇〇〇
憲兵費	共計四九三九六六〇七
修給及諸給	三三五六五四
修繕費	三六八一〇
死傷給與費	九〇八五
賠償及訴訟費	一三五
旗費	二三八
雜給及雜費	六八八〇二
諸給賜費	六五二九三
糧秣費	二二二九四
衣服費	九四三八
兵器彈藥費	二五〇五四
馬匹費	一一二六五
囚徒費	一六四一四
機密費	三五二五
	三三六一四
	共計七二一六一九

(未完)

事件

廣東商辦鐵路招股章程

一本公司名為廣東省商辦粵漢鐵路有限公司

二本公司擬先集資本二千萬元分四百萬股每股五元先收小股二成從二月初一起認股者限十五日代招股者限四個月收齊本年秋季再收三成餘五成俟明年秋季交足按期發回收條俟三期繳足換給股票息摺如收單及股票息摺或有遺失燒燬由該股東登報聲明一面報知本公司三個月後無人爭論再行補給以杜弊混

三本公司由粵省七十二行商各善堂創辦俟立定商辦後即以股東主持辦理認股二萬份者為總理一萬份者為協理五千份者為董理二千份者為議司將來此等股東有權可以舉定總辦司理等員其代招股者若所招股東認為代表亦照例可為總理協理董理議司其餘認股一份皆得參議

四本公司與湘鄂合築粵漢鐵路仍劃清路線本公司專築粵路將來核計用過資本與湘鄂公司按本分利現行三水支路獲利甚厚幹路之利更可操券

五本公司聲明商辦遇事直達商部地方官祇任保護不能侵害利權

六本公司辦事人員自總理協理司理董事及一切查帳管帳等均照商家規則由眾股東推舉

七本公司既名商辦有一股之資本即享一股之權利凡附股之人皆謂之商不分界限

八本公司暫借廣州商會為總公所交收股銀之處現定在省城迎祥街廣濟醫院靖海門外廣仁善堂十七甫愛育善堂黃沙述善堂十一甫崇正善堂晏公街善院第七甫明善堂省城股銀請交到七善堂交鐵路商辦總公所其餘遠近各埠或由該埠之會館善堂商會總局等公地担任彙收惟須各該埠之股東自行公定預自報之總公所

存查登報從公所收到若干股銀即發若干股銀之收條

九本公司所有任外埠招股者一以有信實担保之人及有團體之公所會館善堂等肩任方肯發冊

十本公司所發之冊無論如何必須繳回

十一本公司發出招股簿冊領簿之人皆屬熱心公益祇任勸認不任收銀一律在簿首標明

十二路權關係全省命脈除現在招股外將來另向築路所經各鄉勸認或以工值充股或以路價充股務使利益普及俾收公同護路之助

俾收公同護路之助

十三本公司所招之股或逾二千萬兩之額即稟明商部作為擴充股本以備推築支路

十四本省所收之股多用雙毫龍洋外埠所收之股多用銀紙現議分編字號將來派息交龍毫者照派龍毫交銀紙者照派銀紙以昭公允

照派銀紙以昭公允

十五本省所收小股以二月十五日起息每年週息六釐算如交在二月十五以後三月十五以前者作三月十五起息以次類推外埠以銀匯到之日起息惟此項息銀倘商辦不成只交回本銀不得計息

十六本公司不收外國人股份惟原係中國人而兼有外籍者本公司仍認為本國人有權可以附股准附股後即作為中國人不得牽引外籍與公司稍有關係

十七如有交小股之後無力將大股交足者本人須將該股覓人承頂或於半年前報由公司招人承頂如無人承頂作為充公

十八公司之資本係遵商部公司第七十五條專為鐵路所用不得移作他用

十九本公司每年終刊刻徵信錄報告一次

二十本公司一切詳細辦事章程另行刊佈

又聞二月初八日為鐵路會議日期借愛育善堂為各代表員集晤之所是日提議約共八條 一議招股冊章程會否盡善如無大誤即行刊派 一議創辦人應如何為合格即請公同決議（此條未決議） 一議公推往港與港商酌議招股事宜併定會期前往 一定議十二夜船落港公舉定黎季斐區蘆庵侯熙潮區達波陳惠普五位先帶章程五百本 一議自後凡有獻議必須請列姓名住址以便議事時由公司具柬請到公同參訂倘不書明姓氏作為匿名例不錄議 一宣讀港商充担任招股及收銀義務公啓 一議書收條義務人以三天為期共舉定九行每一位計開 銀行 土縣行 當行 押行 綢緞布行 洋雜貨行 鹽務商會 一議定初十日為特別會議

是日羅關石侯熙朝凌浩如諸君倡議云我同胞近日鐵路認股如是踴躍無患不虞但必討商部商辦之確憑然後始有把握擬十五日後核計小股銀若干籌足二百萬之數電稟商部立案云議事後同人即往鍾太史第之澹綺園與葉君惠伯祖饒同席者為凌浩如羅關石黎季斐鍾仲珏諸君因葉君將有新大陸之行故也

初十日集議鐵路事宜 第一條前期陳惠甫獻議創辦人資格其意欲十五前交小股踴躍應否照陳君之推舉

抑由各行各堂擔任設法催交(此條決議由各行各堂代表員設法催交) 第二條初九日由鐵路公司交來銀三十員備之費用但常川駐所辦事各人多謂願當義務自備膏伙將來費用均派(此條決議常川駐所辦事各員膏伙由九善堂先行墊出俟本公司開辦後如數交還) 第三條馮達宸承眾公推為鐵路書記員事關公益願當義務不受脩金繕校梁諾琴亦表同情(此條決議馮梁兩氏照送脩金) 第四條初七日岑督照會總商會因黃沙至高塘幹路一段刻未竣工計需銀六萬員左右便可行車並延聘日本工程師小松氏訂六箇月每月薪水火食三百六十員官擬籌款興築將來商股集成接辦所用官款即由商股如數歸還等語現在應否由商辦小股先墊六萬餘員稟請接築(此條下期再議)

翁源商務社來函認定一萬一千五百股
初八日接海防粵商來電先認萬二千股
又接天津粵商來電廣益社認股五萬元
佛山京布行兩日內已認得五千股
廣東自省城二月初一日在七大善堂開收粵漢鐵路小股(每股一元) 計至初八日為止已共收銀十七萬三千五百六十五元

按在廣東省城一隅之地數日之間所收小股已及此數可見粵人對於此事之踴躍矣

宮門抄

二月二十四日戶部 宗人府 正白旗值日 宗人府見四名 吏部六十名 太僕寺十名 正紅蒙二名
朱侯致祭明陵起程日期 趙惟熙李傳元預備 召見 宗人府奏派立族長 派出振貝子
召見軍機 趙惟熙 李傳元

上諭

二月二十四日奉

旨翰林院侍讀學士著黃紹箕補授欽此

旨太常寺少卿著裴維俊補授欽此
旨鴻臚寺卿著楊樞補授欽此

批摺摘由

二月二十二日摺片二十一件

岑春煊奏二十九年分錢糧未完一分以上各員 該部議奏單併發 林紹年奏命案定擬 刑部議奏 又威甯鎮楊昌魁請議卹並請簡 上諭 又何秀楨署理威甯鎮總兵奉 旨知道了 又代奏古洲鎮總兵徐印川謝 恩並到任日期奉 旨知道了 又賀昌期一年期滿 吏部知道 又方峻補授陽令曹履中補廩安令 吏部議奏 又仁懷令林慶堯等互相調補 吏部議奏 崇善奏三十年分辦理海防經費收支各款 該部知道 又新定償款 該部知道 又長門長壽山等處兵房竣工報銷 該部知道 又閩清令邱炳圻回籍修墓 吏部知道 又承領提督福建全省新印啓用舊印二顆儲庫 禮部知道 又蕭尹農接任黃國棟交卸 兵部知道 又請以蘇蘭蘭委署甌甯令 吏部知道 又千總林天興留任 兵部知道 又俞佳鍾署甌甯令 吏部知道 又朋馬奏銷 該部知道單併發 又校閱冬操情形奉 旨知道了 又武職養廉造銷 該部知道單併發 又度支奇窘京餉候補解戶部知道

二月二十三日摺片二十四件

崇善奏特參庸劣不職各員 另有旨 又籌解甘省認還賠款 該部知道 又解還英德借款 該部知道 胡廷幹奏查辦女置軍流人犯 刑部議奏 又九江關一年期滿徵收正耗銀數 該部知道 又九江關徵收三分平餘報銷 該部知道 又解三十二年第一批甘新協餉 戶部知道 又解三十二年第四期新案賠款 該部知道 又解本年三月分饒法借款 該部知道 楊士驤奏臨清戶關一年期滿徵收稅銀 該部知道 又三十一年運河估修工需銀兩 該部知道 又調署高苑令郝廷璵丁憂 吏部知道 又三十二年分漕糧等款奏銷 戶部知道 又臨清工關徵收銀數 該部知道 又補用道劉恩尉丁憂請俟百日後仍到差視 吏部知道 又請將北運河酌量修復 著照所請該部知道 又解武衛右軍及收編陸軍月餉銀兩 戶部知道 又盤查道庫造具清冊覆核

無異 戶部知道 李經羲奏知府陳開熾積勞病故請優卹 著照所請該部知道 又盤查司庫 戶部知道 又梧州府同知李桂文在任病故 吏部知道 又請飭查傳李兆周到案勒限完繳銀兩 著照所請該部知道 又照數撥解賠款銀兩 該部知道 豐陞阿奏揀補膳房拜唐阿 著照所請該部知道

奏稿

戶部謹 奏為遵 旨併案議覆恭摺仰祈 聖鑒事 據署兩廣總督岑春煊奏粵省籌辦要政需款孔亟擬息借洋款以資興舉一摺光緒三十一年十二月十九日奉 硃批戶部議奏欽此又據電奏擬借洋款舉辦要政一摺於十二月二十五日奉 旨岑春煊奏擬借洋款舉辦要政等語仍着戶部議奏欽此先後由軍機處抄交前來查原奏

內稱粵東財政困難歲出歲入不敷三百餘萬部中指撥之項迭有增加本省籌補之款十不及一年來之所以勉力支持者全恃商號息借近因市面蕭索運掉不靈每于周轉為難之際不得已輒向匯豐信義等洋行息借百數十萬兩如期歸還故洋商猶能見信然撥還之款並非出自有餘無非設法籌挪勉為應付左支右絀期促息多苟且補苴日久將成重累若再不急圖挽救則財源枯竭之象固已立形於目前猝遇地方有事益將束手苦慮焦思計非講求生利不可粵省本非瘠土地利人力皆足以資開拓如鐵路鑛務辦立自來水官紙局開辦銀行及保險公司之類者均為興利良圖而粵漢鐵路業經收回急需籌款興築若置而不辦則粵省按年攤還贖路本息等項無可抵補負累愈深然辦此類事非有大宗的款勢不能舉歷觀歐美各國無一不貸用國債日本以車瀾崛起變法自強而戰勝俄人之後仍借國債五千萬磅報紙騰載具有明徵臣於上年擬借民款三百萬為舉辦要政之需業經奏奉 諭旨交部議准祇以風氣未開開辦數月鮮有應者熟察情形非改借洋款不能為力曾向一二洋行商及據云如為整理財政或為地方興利尚可貸以鉅資期限略寬子息亦可稍薄竊思粵省財盡民窮盜風滋熾皆由失業者眾游惰日多不籌殖民之方何以為救貧之具凡此鐵路鑛務諸事上足以裕 國用下足以厚民生其他要政之待舉者尙繁及今不圖後將無及惟是籌款之法與其借貸零星辦一事而不足何如振興庶務合全力以統籌擬共借洋款一千萬兩訂以二十年分期攤還作為母金專辦地方生利要政凡指撥解款及本省一切之需但有銷耗而無利益者絲毫不得挪用數鉅期遠則子金可輕分年攤還則周轉較易數載之後利源日開何患匱乏不清財用弗瞻粵省辦有成效他省亦可接踵而行則轉弱

為強易貧為富有裨大局良非淺鮮惟擬定還期既閱二十年之久臣不能始終在粵誠恐事有變更若非奏奉 諭旨准行不足以昭鄭重而資信守且前准外務部咨凡借用銀款亦須先行奏報方免窒礙是以專摺陳明伏念粵省凋敝已極若再不設法籌借將無一事可辦臣雖在粵究於大局何裨此舉實為地方興廢所關不得不迫切籲陳伏乞 聖明訓賜 俞允粵民幸甚大局幸甚至各項要政如何辦法孰先孰後應俟借款有著再行分別酌籌辦理又據電奏整理粵省財政擬借洋款一千萬兩專辦地方生利之事尤以路政為最急業經專摺奏陳惟鐵路急需興築待款孔殷因復酌擬官款公款集股三項辦法亦已奏報粵省庫儲萬資民力亦屬艱難所有各處籌捐出於萬不得已原以填回股票路成按股分息與商人集股營業無異今既橫生阻碍事敗垂成而此路為粵湘鄂三省權利所關實有不辦之勢如前奏擬借洋款均蒙 俞允即可舉辦一切生利要政路款藉資轉輸不必盡資民力伏乞 聖慈 特旨允准 飭部立案各等語臣等伏思中國甲午以前所借洋債不盡關於賠款亦欲規行要政為富強久遠之計力事既無成虧累已盈千萬迨東洋馬關之約各國聯軍之利強鄰索償輒增鉅借而新舊子母併計幾居一歲財賦之中遂致竭蹶不遑則此時有所經營惟當量力而動非可貿然以從事也且外洋所謂國債亦商民借助為多即不得已而貸諸國實合全國通籌以執政者擇其消息豈若中國各分行省疆更自理其財則不足而舉債於人猶是內顧一隅之計焉得以國債例之今署兩廣總督岑春煊乃以粵省籌辦要政擬息借洋款一千萬以資興舉等因具奏臣等伏思地方生利之事誠不可視為緩圖但以借款舉行則各省皆未敢輕議倘于一省開其端情勢頗嫌偏重與大局諸多窒礙未便率行照准況粵省本非瘠土地利人力皆足以資開拓原奏固已言之必待息借洋款始能興舉要政警猶富家中落日用漸以不供而廣田自荒不屑以絲粟為積累竊竊然稱貸豪強將經商以逐利初不必喪失資本乃奇贏未睹

進退已困於門其不以園宅署券者幾希所謂驚虛名而處實禍也又借款至一千萬洋行斷難輕諾先以何款作抵後以某項歸還倘虛懸無着即使息輕期遠而此二十年中以四五釐計息每年連還本之數當亦不下百萬問其要政所舉雖銀行及保險公司隨時可以興辦然華洋各商林立非粵省所能專利若鐵路鑛務官紙局自來水等項又非經年累月所能告厥成功是其創辦之初每年先增百萬之還款所得未必償所費也方今時勢所迫不能不變法自強即籌款之為難盡人亦當相諒乃必以千萬之費並舉恐難確有把握倘不幸取快一時遺他日無窮之患恐疆臣不能當此重咎至電奏以路政為最急聞贖回粵漢鐵路本該省紳商所願則用款自應就地求之如直隸之辦公債票不逾年

勸集四百八十萬。民情帖然相安。而粵為嶺海名區。不容自棄。得賢有司。善為經理。即獲借款一半之數。似地方各要政。不難次第推行。以視息借洋債。利權終于外溢者。較勝萬萬。臣部權衡財政。實不得不鄭重於其間也。所有併案遵議緣由。謹恭摺覆陳伏乞 皇太后 皇上聖鑒。謹奏。光緒三十二年正月初六日具奏。奉 旨依議。欽此。

兵部片。再內閣抄出。盛京將軍趙爾巽奏。稱奉省旗營武職各捐。仍照上年原奏章程。暫行辦理等因。一片於光緒三十一年九月二十日奉 硃批。知道了。欽此。查臣部奏請停止武職捐輸。一摺。光緒三十一年六月十六日奉 旨依議。欽此。欽遵通行在案。各省將軍都統副都統。自應一體遵照辦理。今該將軍奏稱。奉省所收旗營武職各捐。與各省綠營武職。絕不相同。等語。查奉省旗營各官。均有管轄戶口。約束兵丁之責。較之各省綠營。尤覺緊要。斷難少事通融。致多濫廁。且內地旗綠各營捐輸。均已停止。辦理亦未便兩歧。該將軍所請。奉省旗營武職各捐。仍照章辦理之處。應毋庸議。恭候 命下。臣部行文該將軍。令其查照臣部上次奏請停止武職捐輸原奏。將奉省旗營武職各捐。依限停止。以昭畫一。而肅營伍。所有臣等請 旨緣由。謹附片具陳伏乞 聖鑒訓示。遵行謹奏。請 旨光緒三十一年 月二十五日奉 旨依議。欽此。

文苑

禁江夜眺

振業齋主稿

江勢去滔滔江神挾怒號中流臨渡遠頹浪奪山高龜鶴雄雙峙魚龍靜不駭何如東海上振策跨雄鰲

江上口占

終古浪淘愁滄江一覽以水流隨地盡嵐翠接天浮吳越繞分手荆襄最上頭英雄今孰是夜夜落滄洲

由滬回里舟夜

一棹我南行秋風下郡城斷堤新漲跡水確舊灘聲樹色暗溪渡波光澄月明兩三燈火裏漁夢曉來清

題美人秋思圖

畫葉眉愁綠題詩錦織紅相思不相見只是怨秋風